

**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԳՆՈՒՄՆԵՐԻ ՀԵՏ ԿԱՊՎԱԾ  
ԲՈՂՈՔՆԵՐ ՔՆՆՈՂ ԱՆՁ**

**ՀԱՅՏԱՐԱՐՈՒԹՅՈՒՆ**

**ՆԱԽԿԻՆՈՒՄ ՆԵՐԿԱՅԱՑՎԱԾ ԹԻՎ ԳԲՔԱ-ԷՍ-2019/45 ԾԱԾԿԱԳՐՈՎ ԲՈՂՈՔԸ  
ՎԱՐՈՒՅԹ ԸՆԴՈՒՆԵԼՈՒ ԵՎ ՆՈՐ ԾԱԾԿԱԳԻՐ ՏԱԼՈՒ ՄԱՍԻՆ**

**Բողոքի ծածկագիրը և ամսաթիվը՝** ԳԲՔԱ-ԼՕ-2019/03, 17.04.2019թ.

**Բողոքբերողանձ՝** «Գազ Սուգան Արմենիա» Հ/Ձ ՍՊԸ

**Պատվիրատու՝** «Գազպրոմ Արմենիա» ՓԲԸ

**Ընթացակարգի ծածկագիրը՝** №013/GArm/19\_4.3-5.4\_00/26.12.18 ծածկագրով գնման ընթացակարգ

**Գնման առարկա՝** Բնական գազի մեմբրանային հաշվիչների ձեռքբերում

**Բողոքի պահանջը՝**

«Գնումների մասին» ՀՀ օրենքի 50-րդ հոդվածի 7-րդ կետին համապատասխան կայացնել համապատասխան որոշում Բողոքաբերի իավունքները վերականգնելու ուղղությամբ, կամ արգելել իրականացնել №013/GArm/19\_4.3-5.4\_00/26.12.18 ծածկագրով գնումը, կամ չկայացած հայտարարել գնման ընթացակարգը, ոչ իրավաչափ ճանաչել հիշյալ հրավերը՝ մասնավորապես այն կետերը, որոնք վերաբերում են ապրանքների տեսակներին և հրավերի գնի 50 տոկոսի չափով պայմանագիր ունենալու հանգամանքը:

Տեղեկացնում ենք, որ «Գնումների մասին» ՀՀ օրենքի՝

• 50-րդ հոդվածի 10-րդ մասի համաձայն՝ յուրաքանչյուր անձ, որի շահերը խախտվել են կամ կարող են խախտվել բողոքարկման հիմք ծառայած գործողությունների արդյունքում, իրավունք ունի մասնակցելու բողոքարկման ընթացակարգին՝ մինչև բողոքի վերաբերյալ որոշում ընդունելու ժամկետը գնումների հետ կապված բողոքներ քննող անձին ներկայացնելով համանման բողոք: Նույն հոդվածի համաձայն՝ բողոքարկման

ընթացակարգին չմասնակցած անձը զրկվում է գնումների հետ կապված բողոքներ քննող անձին համանման բողոք ներկայացնելու իրավունքից,

- 51-րդ հոդվածի 1-ին մասի համաձայն՝ գնումների հետ կապված բողոքներ քննող անձին ներկայացված բողոքն ինքնաբերաբար կասեցնում է գնման գործընթացը՝ նույն օրենքի 50-րդ հոդվածի 9-րդ մասով նախատեսված հայտարարությունը հրապարակվելու օրվանից մինչև բողոքարկման վերաբերյալ ընդունված որոշման՝ տեղեկագրում հրապարակման օրը ներառյալ:

ՀՀ ԳՆՈՒՄՆԵՐԻ ԲՈՂՈՔԱՐԿՄԱՆ ԽՈՐՀՈՒՐԴ

Բողոքարեք՝ «Գազ Սուզան Արմենիա» Հ/Ձ ՍՊԸ  
ՀՎՀՀ 03527908

Երավարանական և գործունեության հասցե՝

ՀՀ ք. Երևան Վրացական փողոց, 5 նրբանցք

Գործադիր տնօրեն՝ Հարթուն Քարամ Հարթուն Մարդիրուսի

Պատվիրատու՝ «Գազպրոմ Արմենիա» ՓԲԸ

ՀՀ ք. Երևան Թբիլիսյան խճուղի 43

Բաց առաջարկների հարցման ծածկագիրը՝ №013/GArm/19\_4.3-5.4\_00/26.12.18 «Բնական գազի մեմբրանային հաշվիչների (G2.5-ից G160 ողջ տիրույթի), Elcor-M և Elcor-MU տիպի էլեկտրոնային ճշտիչներով կահավորված բնական գազի մեմբրանային հաշվիչների (G10-ից G160 ողջ տիրույթի) ստուգաչափում, վերանորոգում և տրանսչափարկում, G10, G16, G25B գազահաշվիչները Elcor-MU տիպի էլեկտրոնային ճշտիչներով և անջատիչ կափույրներով, իսկ G25A-ից G160 գազահաշվիչները Elcor-MU տիպի էլեկտրոնային ճշտիչներով կահավորում և վերանորոգում, էլեկտրոնային ճշտիչների ձևօրբերում: Բնական գազի մեմբրանային հաշվիչների (G2.5-ից G160 ողջ տիրույթի), Elcor-M և Elcor-MU տիպի էլեկտրոնային ճշտիչներով կահավորված բնական գազի մեմբրանային հաշվիչների (G10-ից G160 ողջ տիրույթի) ստուգաչափում, վերանորոգում և տրանսչափարկում, G10, G16, G25B գազահաշվիչները Elcor-MU տիպի էլեկտրոնային ճշտիչներով և անջատիչ կափույրներով, իսկ G25A-ից G160 գազահաշվիչները Elcor-MU տիպի էլեկտրոնային ճշտիչներով կահավորում և վերանորոգում, էլեկտրոնային ճշտիչների ձևօրբերում»

## ԲՈՂՈՔ

### I. Գործի նախապատմությունը.

Բողոքարեքը մասնակցել է №013/GArm/19\_4.3-5.4\_00/26.12.18 ծածկագրով հայտարարված բաց առաջարկների հարցման ընթացակարգին:

15.01.2019թ. կազմված թիվ 3 արձանագրության համաձայն՝ մերժվել է «Գազ Սուզան» ՍՊԸ-ի և Բողոքարեքի կողմից ներկայացված հայտերը, իսկ Ջեզա ՍՊԸ-ի հայտ/առաջարկը բավարարվել է:

Որպես հիմնավորում Պատվիրատուն հիշյալ արձանագրությամբ նշել է, որ «չեն ներկայացրել նախկինում կատարած նմանատիպ համանման ասնվազն 50 տոկոս մեկ պայմանագիր աշխատանքների ձևօրբերման և էլեկտրոնային ճշտիչների ձևօրբերման համար: Նշվել է նաև որ չի ներկայացվել կարգեր, գծագրեր, որոնք պետք է ստորագրվեն և կնքվեն»:

### II. Բողոքի հիմքերն ու հիմնավորումները.

«Գնումների մասին» ՀՀ օրենքի 34-րդ հոդվածի 1-ի և 2-րդ մասերի համաձայն.

Պատվիրատու  
Մ - 14579-19  
«03» 04 2019թ.

1. Հայտերը գնահատվում են հրավերով սահմանված կարգով: Բավարար են գնահատվում հրավերով նախատեսված պայմաններին համապատասխանող հայտերը, հակառակ դեպքում հայտերը գնահատվում են անբավարար և մերժվում են:

2. Առաջին տեղը զբաղեցրած մասնակիցը որոշվում է՝

1) բավարար գնահատված հայտեր ներկայացրած մասնակիցների թվից՝ նվազագույն գնային առաջարկ ներկայացրած մասնակցին նախապատվություն տալու սկզբունքով, կամ

2) այն մասնակցին ընտրելու մեթոդով, որի առաջարկած գնին և ոչ գնային չափանիշներին տրված գործակիցների հանրագումարը ամենաբարձրն է: Այս մեթոդի կիրառման դեպքում հայտերը գնահատվելու հրավերով սահմանված դեպքերում և կարգով, առաջարկվող գնից բացի, հաշվի են առնվում ոչ գնային այլ չափանիշներ: Ոչ գնային չափանիշները պետք է փոխկապակցված լինեն պայմանագրի առարկայի հետ և դրանց հարաբերական կշիռները ներկայացվեն հրավերի մեջ:

«Գնումների մասին» ՀՀ օրենքի 13-րդ հոդվածի համաձայն՝

1. Գնման առարկայի բնութագրերը պետք է ամբողջությամբ և հստակ նկարագրեն ձեռք բերվող ապրանքի, աշխատանքի կամ ծառայության հատկանիշները, դրանց ձևերը, բնույթը և վճարման պայմանները՝ բացառելով տարակերպ մեկնաբանությունը: Գնման առարկայի բնութագրերը, որոնք ներառում են նաև պայմանագրի գինը, ընդգրկվում են պայմանագրում:

2. Գնման առարկայի բնութագրերը՝

1) պետք է մրցակցության հավասար պայմաններ ապահովեն հնարավոր մասնակիցների համար.

2) չպետք է հանգեցնեն գնումների գործընթացում մրցակցության համար չհիմնավորված խոչընդոտների առաջացմանը.

3) պետք է լինեն օբյեկտիվորեն հիմնավորված և համարժեք լինեն այն կարիքին, որի բավարարման նպատակով կատարվում է տվյալ գնումը.

4) ներառում են գնման առարկայի մասնագրի, տեխնիկական տվյալների, իսկ աշխատանքների դեպքում՝ նաև աշխատանքների ծավալաթերթի, ժամանակացույցի և այլ ոչ գնային պայմանների ամբողջական և համարժեք նկարագրությունը:

3. Ելնելով գնման առարկայի առանձնահատկությունից՝ դրանց հատկանիշները հնարավորինս ներառում են ձեռք բերվող ապրանքի, աշխատանքի կամ ծառայության որակին, ստանդարտին, անվտանգությանը, պայմանական նշաններին, տերմինաբանությանը, փաթեթավորմանը, բեռնաթափմանը, չափին, նախագծերին, ինչպես նաև գնման առարկայի այլ հատկանիշներին վերաբերող պայմանների հստակ նկարագրությունը՝ հիմնված միջազգային ստանդարտների և Հայաստանի Հանրապետությունում գործող նորմատիվատեխնիկական փաստաթղթերի, ստանդարտների, իսկ դրանց բացակայության դեպքում՝ ժամանակավոր տեխնիկական պայմանների վրա:

4. Գնման առարկայի հատկանիշները կարող են սահմանվել նաև որպես կատարողականի կամ գործառության (ֆունկցիոնալ) նկարագրեր, որոնք պետք է ներկայացվեն բավարար ճշտությամբ՝ հնարավորություն տալով մասնակիցներին և պատվիրատուին ճշգրիտ ընկալել պայմանագրի առարկան:

5. Գնման առարկայի հատկանիշները չպետք է պահանջ կամ հղում պարունակեն որևէ առևտրային նշանի, ֆիրմային անվանմանը, արտոնագրին, էսքիզին կամ մոդելին, ծագման երկրին կամ կոնկրետ աղբյուրին կամ արտադրողին, բացառությամբ այն դեպքերի, երբ անհնար է գնման առարկայի բնութագրումն առանց դրանց: Հղումներ օգտագործելու դեպքում հատկանիշների բնութագիրը պետք է պարունակի «կամ համարժեք» բառերը:

Նշենք, որ բաց առաջարկների գնման հայտարարությունը ուներ հետևյալ բովանդակությունը.

«Բնական գազի մեմբրանային հաշվիչների (G2.5-ից G160 ողջ տիրույթի), Elcor-M և Elcor-MU տիպի էլեկտրոնային ճշտիչներով կահավորված բնական գազի մեմբրանային հաշվիչների (G10-ից G160 ողջ տիրույթի) ստուգաչափում, վերանորոգում և տրամաչափարկում, G10, G16, G25B գազահաշվիչները Elcor-MU տիպի էլեկտրոնային ճշտիչներով և անջատիչ կափույրներով, իսկ G25A-ից G160 գազահաշվիչները Elcor-MU տիպի էլեկտրոնային ճշտիչներով կահավորում և վերանորոգում, էլեկտրոնային ճշտիչների ձեռքբերում: Բնական գազի մեմբրանային հաշվիչների (G2.5-ից G160 ողջ տիրույթի), Elcor-M և Elcor-MU տիպի էլեկտրոնային ճշտիչներով կահավորված բնական գազի մեմբրանային հաշվիչների (G10-ից G160 ողջ տիրույթի) ստուգաչափում, վերանորոգում և տրամաչափարկում, G10, G16, G25B գազահաշվիչները Elcor-MU տիպի էլեկտրոնային ճշտիչներով և անջատիչ կափույրներով, իսկ G25A-ից G160 գազահաշվիչները Elcor-MU տիպի էլեկտրոնային ճշտիչներով կահավորում և վերանորոգում, էլեկտրոնային ճշտիչների ձեռքբերում»:

Վերոգրյալից ելնելով, գտնում ենք, որ Պատվիրատուի կողմից նշվել է կոնկրետ ապրանքի տեսակ, մոդել և ըստ էության դա խախտում է Գնումների մասին ՀՀ օրենքի պահանջները:

Իսկ ինչ վերաբերվում է այն հանգամանքին, որ կարգեր չի ստորագրվել, ապա դա անհիմն է և չի կարող հիմք հանդիսանալ հայտը մերժելու համար:

«Գնումների մասին» ՀՀ օրենքի 6-րդ հոդվածի 3-րդ մասի համաձայն՝

«3. Մասնակիցը պետք է բավարարի հրավերով սահմանված որակավորման չափանիշները: Մասնակիցը պետք է ունենա պայմանագրով նախատեսված պարտավորությունների կատարման համար հրավերով պահանջվող՝

1) մասնագիտական գործունեության համապատասխանություն պայմանագրով նախատեսված գործունեությանը.

2) մասնագիտական փորձառություն».

Վերոգրյալ իրավական նորմը համադրելով սույն գործում առկա փաստերի հետ պարզ է դառնում, որ Պատվիրատուն սահմանել է չհիմնավորված 50 տոկոս արժևի նախկինում կնքված պայմանագրի առկայությունը, որը իրականում խոչընդոտում է Բողոքարերի գնմանը մասնակցելու իրավունքին:

### III. Բողոքի պահանջը.

Ելնելով վերոգրյալից և ղեկավարվելով սույն բողոքում նշված հիմքերով և հիմնավորումներով

### ԽՆԴՈՒՄ ԵՆՔ

«Գնումների մասին» ՀՀ օրենքի 50-րդ հոդվածի 7-րդ կետի համապատասխան կարացնել համապատասխան որոշում Բողոքարերի իրավունքները վերականգնելու ուղղությամբ, կամ արգելել իրականացնել №013/GArm/19\_4.3-5.4\_00/26.12.18 գնումը կամ չկայացած հայտարարել գնման ընթացակարգը, ոչ իրավաչափ ճանաչել հիշյալ հրավերը մասնավորապես այն կետերը, որոնք վերաբերվում են ապրանքների տեսակներին և հրավերի գնի 50 տոկոսի չափով պայմանագիր ունենալու հանգամանքը:

### IV. Կից ներկայացվող փաստաթղթերի ցանկը.

1. Բողոքարերի տնօրենի անձնագրի պատճենը.

2. բողոքարկման վճարը կատարած լինելը հիմնավորող փաստաթղթի պատճենը:
3. Գնման վերաբերյալ փաստաթղթերի պատճենները:

ՄԻՋՆՈՐԴՈՒԹՅՈՒՆ

Սույն ընթացակարգի շրջանակներում անգործության ժամկետ է սահմանված 5 օրացուցային օրը: Պայմանագիր կնքելու որոշման մասին հայտարարություն [www.gnumner.am](http://www.gnumner.am) կայքում չի հրապարակվել, որից կլնկով եթե նույնիսկ բողոքարկման խորհուրդը գտնում է, որ, որ բաց է թողել որևէ ժամկետ, խնդրում ենք այն վերականգնել:

«Գազ Սուգան Արմենիա» Հ/Չ ՍՊԸ  
Գործադիր տնօրեն՝ Հարթուն Քարամ Հարթուն Մարդիրուսի

